

古文孝經

全

大政官文庫			
	七	漢	
	七	書	
	五		
冊	架	函	號
一	一	三	五

內閣文庫			
	七	漢	
	七	書	
	五		
冊	架	函	號
三	五	一	五

內閣文庫			
番號	漢	775	
冊數	1 (1)		
函號	275	137	

275-137



平田先生訓點

古文孝經

東京書肆

金鱗堂藏梓

古文孝經序

孔安國

孝經者何也。孝者人之高行。經常也。自有天地人民以來。而孝道著矣。上有明王。則大化溥流。堯塞六合。若其無也。則斯道滅息。當吾先君孔子之世。周失其柄。諸侯力爭。道德既隱。禮誼又廢。至乃臣弑其君。子弑其父。亂逆無紀。莫之能正。是以夫子每於間居而歎述

古文孝經

序

古之孝道也。夫子敷先王之教於魯，之洙泗門徒三千而達者七十有二也。貫首弟子顏回、閔子騫、冉伯牛、仲弓，性也。至孝之自然，皆不待諭而寤者也。其餘則非之憤，若存若亡。唯曾參躬行，匹夫之孝而未達。天子諸侯以下，揚名顯親之事，因侍坐而諮問焉。故夫子告其誼，於是曾子喟然知孝之為大也。遂集而錄之，名曰孝經，與五經並行於世。逮乎六國學校衰廢，及秦始皇焚書，坑儒，孝經由是絕而不傳也。至漢興建元之初，河間王得而獻之，凡十八章，文字多誤。博士頗以教授。後魯共王使人壞夫子講堂於壁中，石函得古文孝經二十二章，載在竹牒，其長尺有二寸，字科斗形。魯三老孔子惠抱詣京師，獻之天子。天子使金馬門待詔學士與博士羣儒從隸字寫之，還子惠一通，以一通賜所幸侍

中霍光。光甚好之。言為口實。時王公貴人。感
神祕焉。比於禁方。天下競欲求學。莫能得者。
每使者至魯。輒以人事請索。或好事者。募以
錢帛。用相問遺。魯吏有至帝都者。無不齎持。
以為行路之資。故古文孝經。初出於孔氏。而
今文十八章。諸儒各任意巧說。分為教家之
誼。淺學者。以當六經。其大車載不勝。反云孔
氏無古文孝經。欲矇時人。度其為說。誣亦甚

矣。吾愍其如此。發憤精思。為之訓傳。悉載本
文。萬有餘言。朱以發經。墨以起傳。庶後學者。
覩正誼之有在也。今中秘書。皆以魯三老所
獻古文為正。河間王所上。雖多誤。然以先出
之故。諸國往々有之。漢先帝發詔。稱其辭者。
皆言傳曰。其實今文孝經也。昔吾逮從伏生。
論古文尚書。誼時學士。會云。出叔孫氏之門。
自道知孝經。有師法。其說移風易俗。莫善於

樂謂為天子用樂者萬邦之風以知其盛衰
衰則移之以貞盛之教淫則移之以貞固之
風皆以樂聲知之知則移之故云移風易俗
莫善於樂也又師曠云吾驟歌南風多死聲
楚必無功即其類也且曰庶民之愚安能識
音而可以樂移之乎當時衆人僉以為善吾
憮其說迂然無以難之後推尋其意殊不得
爾也子游為武城宰作絃歌以化民武城之
下邑而猶化之以樂故傳曰夫樂以闢山川
之風以曜德於廣遠風德以廣之風物以聽
之脩詩以詠之脩禮以節之又曰用之邦國
焉用之鄉人焉此非唯天子用樂明矣夫雲
集而龍興虎嘯而風起物之相感有自然者
不可謂毋也胡笳吟動馬蹀而悲黃老之彈
嬰兒起舞庶民之愚愈於胡馬與嬰兒也何
為不可以樂化之經又云敬其父則子說敬

其君則臣說而說者以為各自敬其為君父之道。臣子乃說也。余謂不然。君雖不君。臣不可以不臣。父雖不父。子不可以不子。若君父不敬其為君父之道。則臣子便可以忿之邪。此說不通矣。吾為傳皆弗之從焉也。

序終

孝經

開宗明誼章第一

仲尼間居。曾子侍坐。子曰。參。先王有至德要道。以訓天下。民用和睦。上下亡怨。女知之乎。曾子辟席曰。參。不敏。何足以知之乎。

子曰夫孝德之本也教之所繇
生也復坐吾語女身體髮膚受
之父母不敢毀傷孝之始也立
身行道揚名於後世以顯父母
孝之終也夫孝始於事親中於
事君終於立身大雅云亾念爾
祖聿脩其德

天子章第二

子曰愛親者不敢惡於人敬親
者不敢慢於人愛敬盡於事親
然後德教加於百姓刑於四海
蓋天子之孝也呂刑云一人有

慶兆民賴之

諸侯章第三

子曰居上不驕高而不危制節謹度滿而不溢高而不危所以長守貴也滿而不溢所以長守富也富貴不離其身然後能保

其社稷而和其民人蓋諸侯之孝也詩云戰戰兢兢如臨深淵如履薄冰

卿大夫章第四

子曰非先王之法不敢服非先王之法言不敢道非先王之

德行不敢行。是故非法不言。非
道不行。口亾擇言。身亾擇行。言
滿天下。亾口過行。滿天下。亾怨
惡三者備矣。然後能保其祿位。
而守其宗廟。蓋卿大夫之孝也。
詩云。夙夜匪解。以事一人。

士章第五

子曰。資於事父。以事母。其愛同。
資於事父。以事君。其敬同。故母
取其愛。而君取其敬。兼之者父
也。故以孝事君。則忠。以弟事長。則
順。忠順不失。以事其上。然後能

保其爵祿而守其祭祀。蓋士之孝也。

詩云夙興夜寐。亡忝爾所生。又

庶人章第六。其始同始也。

子曰。因天之時。就地之利。謹身

節用。以養父母。此庶人之孝也。

孝平章第七。其始同始也。

子曰。故自天子以下。至於庶人。

孝亡終始。而患不及者。未之有

也。

也。天三才章第八。其始同始也。

曾子曰。甚哉孝之大也。子曰。夫

孝。天之經也。地之誼也。民之行也。天地之經而民是則之。則天之明。因地之利。以訓天下。是以其教不肅而成。其政不嚴而治。先王見教之可以化民也。是故先之以博愛。而民莫遺其親。陳

之以德。誼而民興行。先之以敬

讓。而民不爭。導之以禮樂。而民

和睦。示之以好惡。而民知禁。詩

云。赫赫ハハラキ。師尹シ。民具タ。爾瞻シ。

孝治章第九

子曰。昔者明王之以孝治天下。

也。不敢遺小國之臣。而況於公
侯伯子男乎。故得萬國之歡心。
以事其先王。治國者不敢侮於
鰥寡。而況於士民乎。故得百姓
之歡心。以事其先君。治家者不
敢失於臣妾之心。而況於妻子。

乎。故得人之歡心。以事其親。夫
然。故生則親安之。祭則鬼享之。
是以天下和平。災害不生。禍亂
不作。故明王之以孝治天下也。
如此詩云。有覺德行。四國順之。

聖治章第十

曾子曰敢問聖人之德止以加
於孝乎子曰天地之性人為貴
人之行莫大於孝孝莫大於嚴
父嚴父莫大於配天則周公其
人也昔者周公郊祀后稷以配
天宗祀文王於明堂以配上帝
是以四海之內各以其職來助
祭夫聖人之德又何以加於孝
乎是故親生毓之以養父母日
嚴聖人因嚴以教敬因親以教
愛聖人之教不肅而成其政不
嚴而治其所因者本也

父母生績章第十一

子曰。父子之道。天性也。君臣之
誼也。父母生之。績莫大焉。君親
臨之。厚莫重焉。

孝優劣章第十二

子曰。不愛其親而愛他人者。謂

之悖德。不敬其親而敬他人者。

謂之悖禮。以訓則昏。民止則烏。

不宅於善。而皆在於凶德。雖得

志。君子弗從也。君子則不然。言

思可道。行思可樂。德誼可尊。作

事可法。容止可觀。進退可度。以

臨其民是以其民畏而愛之則

而象之故能成其德教而行其

政令詩云淑人君子其儀不忒

紀孝行章第十三

子曰孝子之事親也居則致其

敬養則致其樂疾則致其憂喪

則致其哀祭則致其嚴五者備

矣然後能事其親事親者居上

不驕為下不亂在醜不爭居上

而驕則亡為下而亂則刑在醜

而爭則兵此三者不除雖日用

三牲之養繇為不孝也

五刑章第十四

子曰五刑之屬三千而梟莫大於不孝要君者亡上非聖人者亡法非孝者亡親此大亂之道也

廣要道章第十五

子曰教民親愛莫善於孝教民禮順莫善於弟移風易俗莫善於樂安上治民莫善於禮禮者敬而已矣故敬其父則子說敬其兄則弟說敬其君則臣說敬一人而千萬人說所敬者寡而

說者衆此之謂要道也。

廣至德章第十六

子曰君子之教以孝也。非家至而日見之也。教以孝所以敬天下之為人父者也。教以弟所以敬天下之為人兄者也。教以臣

所以敬天下之為人君者也。詩云愷悌君子民之父母。非至德其孰能訓民如此其大者乎。

應感章第十七

子曰昔者明王事父孝。故事天明。事母孝。故事地察。長幼順。故

上下一治。天地明察。鬼神章矣。故
雖天子必有尊也。言有父也。必
有先也。言有兄也。必有長也。宗
廟致敬。不忘親也。脩身慎行。恐
辱先也。宗廟致敬。鬼神著矣。孝
弟之至。通於神明。光於四海。亾
所不暨。詩云。自東自西。自南自
北。亾思不服。

廣揚名章第十八

子曰。君子事親孝。故忠可移於
君。事兄弟。故順可移於長。居家
理。故治可移於官。是以行成於

內而名立於後世矣。

閨門章第十九

子曰。閨門之內。具禮矣乎。嚴親。嚴兄。妻子臣妾。繇百姓徒役也。

諫爭章第二十

曾子曰。若夫慈愛。龔敬。安親。揚

名。參聞命矣。敢問。子從父之命。可謂孝乎。子曰。參。是何言。與。是何言。與。言之不通邪。昔者天子有爭臣七人。雖亡道。不失天下。諸侯有爭臣五人。雖亡道。不失其國。大夫有爭臣三人。雖亡道。

不失其家。士有爭友，則身不離於令名。父有爭子，則身不陷於不誼。故當不誼，則子不可以不爭於父；臣不可以不爭於君。故當不誼，則爭之從父之命。又安得為孝乎？

事君章第二十一

子曰：君子之事上也，進思盡忠，退思補過，將順其美，匡救其惡，故上下能相親也。詩云：心乎愛矣，遐不謂矣。忠心臧之，何日忘之。

喪親章第二十二


子曰。孝子之喪親也。哭不依禮。亡容言不文。服美不安。聞樂不樂。食旨不甘。此哀戚之情也。三日而食。教民亡以死傷生也。毀不滅性。此聖人之正也。喪不過

三年。示民有終也。為之棺槨。衣衾以舉之。陳其簠簋而哀戚之。哭泣擗踊。哀以送之。卜其宅兆而安措之。為之宗廟。以鬼享之。春秋祭祀。以時思之。生事愛敬。死事哀戚。生民之本盡矣。死生

之誼備矣。孝子之事終矣。

孝經 畢

明治十八年二月廿五日御届
同 十八年三月出版



訓點人

東京府平民

平田榮治郎

芝区櫻田本江丁三番地

出版人

東京府士族

伊東武左衛門

芝区櫻田本江丁三番地

